

PANORAMA OF PROPHECY

HINKHO KHEL LAMDANG BIBLE JILNA!

THEMGAO DIH PATEPNA

1 Lengte 22:1-40

A THUSIM...



A hab, Isreal leng phalou pa chun, Syria gama Ramoth-gilead mun chu lelah kit ding in akigotai. Hichena ding chun kithopina angaicha in, Judea gam leng Jehoshaphet mipha pa chu alanga pang din akitep in melmate doukhompi ding atitai. Jehosaphet in jong Ahab langa pang din akisa in, hijongleh Ahab chun Pathen dong masa phot hen atie.

Ahab vang chun Pathen adallah a Baal pathen joh ahouna sotthim tah anahitai, hijeh chun Ahab in leng teni angunga gao thu sei dingin themggao 400 akoutai. Amaho chu themgao lhem ahiuvin, hiti hin thu gimneitah ahin sei uve, “chen lang Syria te chu gasat tan, najo ding ahi!” atiuve. Hijongleh leng Jehoshaphat chun Pakai themgao dih tah thusei ngai inge ati. Hichea hin Jehovah Pathen themgao mikhat bouseh aumtai “Ama chun Ahab lenga thudol’a gao pha agao ngeipon, thilse hunglehung ding bou aseiyin, hijeh a chu Ahab in ama chu kahot ahi ati,” ama chu michaiah themgao ahi kitipa chu ahi. Verse 8.

Hijongleh Jehoshaphat in jong aseitei jeh chun, Ahab in jong anople-da kibangin themgao Michaiah gapui sah din mi asoltai. Mihangsan tah themgao pa jong ahungin mi jahnom louhelbeh ding gao thu ahung gao kittai. Ahab jah a Syria tetoh nakisat tengleh nathi ding ahi tin aseitai. Hichun Ahab in jong themgao mi 400 hon thu ngei ngei aseiho chu alah ding ham, ahilouleh Pakai themgao khatseh mipa thusei chu alah ding ham? thulhuh semji dan ahetapoi.

Ahab jong akilouchal sah in Jehosaphat chun themgao Miciah thusei alahda a chuleh amatoh gal kona kilhonsuh jeng dingin ajoltai. Ahab chun gal manchah kimsel a kivon a kitomchah kkeh a amasanga galmatum a seipai dangho aumpou leh Pakai chu kilhemlhalal ponte ati ahi. Ahinlah Pakai kamsosha chu peldoh thei ahipoi tihi Ahab in vaikhonung in aheadoh bep e. Galmun a kisattonaa chun, thalpi chang khat hi ahung kikho pheiyin ahileh, Ahab galvon kikilmatna laitah khat akapkha in, hijeh chun asakol kangtalai chunga chun athisan in alongkang den tai.

Ninu-nung tengleh themgao lhem tamtah um ding ahi tin Jesu in aseimasa dem dem e (Matthew 24:11). Hichena ding jeh a hi themgao lhem tamtah ho lah a themgao dih hetkhen dan ihet u angaiye. Hiche hi hinna leh thina hiding ahi.



Zechariah 4:1 *Kajah a thuseiya pang chu kahenga ahung
kit'in. mi aihmutna kona akithodoh bang khun keima eihin thoukangin ahi.*

NOTE: Pakaiyin athemgao ho henga kiphonga mu aneisah jia chuleh amanga, limleh mel tahbeh a anakihoupia chuleh vantil jong amanchahji ahi. khutlam vet, phunsan, doithu, ahsi horroscope hoa kon thusei, mithi hotoh kihoumatna kitiho hi Pathenin themgao ho ahoupidan ahipoi.

6. Bolmo kidang bol theina (Miracles) hohi themgao dihtah hetdohna thei ham?

Thuophon 16:14 *Hite ho chu ho lhagao
ahiuvin, melchihna kidang dang vetsah ahivu. amaho chun imajouse bolthei
Hatchung-nung Pathen nikho loupai chungnung nia galsat dinga vannoi leiset
pumpia leng ho kikhopsah dinga amaho henga chu chea ahivu.*

NOTE: Ahipoi, bolmo kidang bolthei jeh a mikhat themgao dih ahi tia seithei ahipoi. Amahon thiboltheina khat aneiye – tibouseh chu avetsah u ahi. Ahinlah hiche thilboltheina chu Pathen akon hithei chuleh satan akona jong hithei ahi. Hijeh a chu Pakaiyin hitia ase i ahi: “Nanghon lhagao kititapou chu tahsan hih un, Pathen akon ahi ahilou hiche lhagao chu patep masauvin; ajeh chu vannoiya themgao lhem tamtah asohtai.” 1 John 4:1.

7. Themgao dih tah petepna poimopen chu ipi ham?

Isaiah 8:20 *le job doh ding ahibouwe! Amahon
hiche thu hi sei jongu leh hichea chun khovah aumpoi.*

NOTE: Danthu leh hettohsahna kiti hi kitepna lui phat laiya “Bible” kikouna anahie. Alangkhat a seiding chun, koihileh Pathen themgao kahi tia kilep a thusei jouse chu Bible thusei toh kitoh hinam tichu patep ding tin ahi. Bible a hi themgao hochu petep ding, themgao ho thusei dungjuiya bible patep lou ding ahi. Pathen akon themgao jouse thusei chu Pathen lekhabu teng toh jakhat lah a jakhat kitoh ding ahi. Hichu themgao dihtah photchetna ahi.

8. Themgao dihtah petepna ding anina chu ipi ham?

1 John 4:2 *Hichea hi nang hon Pathen Lhagao chu nahet dingu ahi;
chu tahsa a hung ahi, ti janoma lhagao chu
Pathena kon ahi;*

NOTE: Pathen themgao dih tah chun Jesu Christa tahsa lim a hung Pathen ahi – tia hetna leh athutah chu aphondoh ding ahi. Themgao dihtah chun ama kichoisangna sanga Jesu Christa achoisang ding ahi. Alhangpia themgao themgao lhem hohin miho hi Pathen thua konin apui chaveiyun chuleh amaho lunggel leh ngaitona thu lam joh ahakomu uve.

NOTE: Themgao dih thusei ijahda ahileh, Pathen thumopna chu ijahnom lou tina ahi. Pathenin a themgao ho thusei ngai ding ahi atin chuleh koihileh Ama themgao thusei ngaiya jop jouse chu khangtou ding ahi tin Bible in aseiyee. Hichu ngaito dinga lom ahi!

2 Thusimbu 20:20 *Pakai na-Pathenu tahsan soh keiyuwin, chutileh nachendet joh diu ahi; athemgaote thusei natahsan'wva ahileh gal najo lei diu ahi, ” ati.*

NA KIGELHAHNA

Pathenin athemgao hoa kona thu aseijing nalai ahin, chuleh themgao dih tah thusei chu “Jesu thu hettosahna” ahijeh a chu, tulaiya themgao hohi Pathen thu banga petep ding nanop a chulel Pathen thu toh kitoh chan chu athu jui ding nati em?

DONBUTNA:

ABELAP

Hiche simmun hin abelap a sim ding eipeuve.

Tulai nikho Themgao ho

1844 kum olha chun Portland gama'h Maine a chun meithodist hobung numei phabep akiloikhom un dilsu in taona ana manguve, hiche a hi numei chapang kum 17, mi veise tah Ellen Harmon chun – mu masapen ananeiye. Ellen in jong (hou natong James white toh ahung kichen jouvin Ellen White tin ahung kihetai) Pathen akon mu anei chu ahinphon doh toh kilhon in, kum 70 sung sese themgao thil amu jingin chuleh mang akepe jing in – 1915 kum'a athi nikho changeiyin ananeiye.

Bible themgao dih tah ho umchan bangin, Ellen white jong chun gao thil anei tengleh thilbol theina jat chombek khat in aumpi jinge tih akimui. Themgao Daniel bangin, gao achan tengleh ahaina hu atan jin, chuleh atahsa pumpi atha abeijin ahi (Daniel 10:8, 17). Abangkom leh gao achan phat sung hi nidan li cheng lut jong aumin, ahivangin ahaina hu atan lhungkei jie. Hitobanga aumlaitah a akholchil dinga um doctor hochun atah tah ahi tih anaphotchet uve.

Phat dang khat komle, thahatna kidang tah tah jong aneikit e (Daniel 10:18, 19). Ellen hi atahsa pumpi gih dan hi Kg 43 bep (95 pounds) ahin, themgao thilmu aneipet in akhut alhangdoh in insung maicham semna Bible Kg 7 (17 pounds) a gih khat chu minute 30 lang anadom sange. Hiche hotoh thildang tamtah atahsa chungu umho hin themgao nu chungu hin thilbol theina kidangtah khat vang chu aume tih avetsah e. Ahinlah, hiche thilboltheina chun themgao chu Pathen akon ham Satan akon ham aseichen theipoi. Hitobang thilboltheina ho jeh a mikhat chu themgao khattouva akisei tengleh, Christian ten hiche adih hinam adihlou ham tichu Bible toh itekah jing diu ahi.

Themgao dih petepna jatli ho

Ellen White natoh leh hinkho hin Bible dungjuia themgao dih kihetdohna thei patepna hoa lhingjou hinam, ahilouvah lehingel ham tichu anaveu hite.

Patepna Masa – Pathen thu toh kitoh hinam (Harmony with scripture)

Ellen White lekhabu khat pen pen hijongleh la inlang simin, Bible toh nakinai cheh cheh sah joh ding, sim thanopna napeh ding chuleh Pathen thu toh akitona namudoh ding ahi. Ahinlah ama alekhabu hohi Bible belap na dinga kijih ahipoi. Pathen mite ngaitona chu Bible lama aheilut a sim thanopna joh apehtah a chuleh thutah hung kona chu Bible bou ahi tia mi alepuitul nahi alekhabu umdohna ajeh pipen ahi. Ellen White hin tahsan lampi jilna ding hi Bible bouseh ahi tia ase hi ihet diu ahi: “eiho khanga hi Pathen thu kihilna dihtah leh tahsan thu akona gam-manna lentah aumtan, protestant dihtah hina dia –Bible leh Bible bouseh juiya, Bible bouseh hi tahsan lampi kihilna dinga chetohna leh kisemupna ding ahi tia thah gel kit a kiungle kitna ding hi ngaikhoh ma ma jeng ahitai.”¹

Ama nu in jong hitin anajih e: “Hettohsahna kajih doh hohi vah kimu athahbeh dinga kajih ahipoi, amavang thutah kiphongdohsa chu athahbeh a ngaitona leh gelkitna dinga umjo ahibouve. Pathen a dia mihemte kin umsa leh mihem te khat leh khat kah a ibol diu kin umsa hohi Pathen thua kichehsel a um ahin; ahinlah hiche thutah juiya seingai ding hi mi atam naipoi. Abelap dinga thutah kiphong ahipon; Ahinlah Pathenin hiche hettohsahna hoa kona hi athutah umsa chu beilama ahin lhekhsah a chuleh Aman Ama deilam a miho lungsung achothouva chuleh koimachan achungthu akisei ong theilouna dinga mitin lungsung akhumlut peh a ahin suhlang kit ahibouve.”²

Ellen White in alekhabu jih hohi Bible toh kibanga koi ding ahipoi tia avel vel a ase jingkei vanga, aboncha hi Pathen akon kipe (inspired) lekhabu ahisohekiye. Pathen a dinga themgao loupitah tah ana kiseiho – Elijah, Elisha, chuleh John Baptist ho jong chu Pathen akona thu kipe (inspired) ahieve, ahinlah Bible sunga lekhabu hohi amaho min in khatcha akisundoh poi. Ellen White lekhabu hohi vah lentah umsa Bible juidoh nadinga vahneo kipe chu ahie. Bible hilchetna leh sejao na dinga Pathena kona kipe lekhabu ahin, ahinlah thunei chungnung chu Bible hithou thou ahi.

Patepna Anina – Jesu Christa thudol a thutah hil

Ellen White lekhabu – gag hetthei dinga um “The Desire of Ages, Christ’s Object Lessons, Steps to Christ Chuleh Thoughts from the Mounts of Blessing – Kitiho jouse hin patepna jouse abonchakeiya ajo sohkeiyah ahi. Hiche lekhabu jousea hin ama thudol leh akichoisangna changkhat jong aumpon, ahinlah athumal jousea hin Jesu Christa achoisange.

Patepna athumna – Pathen neitah hinkho

Ellen White thi pet a ama hinkho thudol a thusei press hochun hitin aseiyuve: “Pi. Ellen White hinkho hi mijouse a dinga vetton theitah leh jui thei sohkei ahi ... akineosah in, Christa seijui dihtah ahin, chuleh akiheina tinna thilpha jeng bolmi ahi ... midang khantouna ding leh semphatna dinga ama hinkho jeng jong ki-itcha louhel numei hinkho loupitah neinu hi mi jousen jana apeuvin chuleh akipapi sohkeiyui. Hou thudol a dinga numei mantam pen leh lamkai hina min apu in chuleh ahinkho lhungkei kum 90 dehchet chu thilpha bolna, awnem tho na aneyin, chuleh mi jousea ding in taona gunchu tah in amanglum keiye.”³

Patepna alina – Athusei adih na

Ellen White in mailam a thil hung lhung ding phabep anasei hohi themkhat muthei aume. Aгуilhung dinga ase masah khat jingkah thuso khat a hitin ahung kiso e, “Rail kang kitolna lampi hoa toset toh hung tam cheh cheh ding; mihem lamlahna lampi tinna hetmanloukal a tosetna, lungboi lungsona, thina-manna ho hung kiphimatchet ding ahi.” Anatie. Hiche ase laiya hi tukhanga che-le-va na khol (transport) thil ho imacha anakisemdoh loulai ahi.”⁴

Doctor hon phat khat lai chun meikhu chep hi choup (Lungs) a dinga damna ahi tia anaseiji lai khanga chu Ellen White jong anaum ahitai. Scientific tah a imacha muchet anaumlou, lou-le-ai thudol a louthem ho ngaidan jatchom chom anaum ji khang chu ahi. Nutrition kiti jong hi science a dinga hetphah anahilou lai ahi. Hitobang dinnum laitah chun, Ellen White in nehlechah leh damtheina thudol in lekhabu lentah anajih tan ahi. Dr. Cliv McCay, Cronell University a nutrition professor luipa chun hitin aseiyu: “Tulai modern science khantou nunga um hitajongleu hen, Ellen white in masanglaiya ama lekhabu anasei kalval aphajo ding leh ahoidehset jong aumbe deh tapoi.”⁵

Ni nunung tengleh gao thu seidohna lhagao hung um ding ahi tihi Bible in ase ahi. Thil jouse aumdan leh akimu dungjuiyin Ellen White hi themgao dihtah hetdohna patep jouse asulhing keyyin ajouve. Ama lekhabu jih hohi nakilah a nasim a chuleh Pathen thu toh akito dungjuiya najui din tunia hi kaseipeh nahi, “Gao thu seidoh chu muset hih in, thil jouse patep unlang, chuleh apha jouse chu tuhdet un.” 1 Thessalonica Mite 5:20, 21.

¹ *The Great Controversy* (Mountain View, CA: Pacific Press, 1950), p. 204, 205.

² *Testimonies for the Church* (Mountain View, CA: Pacific Press, 1949), Vol. 2, p. 605.

³ *Star* (St. Helena, California), July 23, 1915.

⁴ *Messages to Young People* (Washington, DC: Review and Herald, 1930), p. 90 (reprinted from article in *The Signs of the Times*, April 21, 1890).

⁵ Clive M. McCay, “A Nutritional Authority Discusses Mrs. E.G. White,” *Review and Herald*, February 26, 1959, p. 10.